

乙
八

平遠州續志

第五册

藝文
上

記 祭 奏
傳 文 疏

391552
2021-0
15-9

平遠州續志卷之八

藝文志

文以記事也自班固作漢書收輯藝文後世遂沿以爲例舊志所載足昭謹嚴然平遠自建置以來歷任守牧所訓誥及州人述作有關地方吏治民風者固宜壽之棗梨以垂不朽而地多勝蹟一題一詠亦足以備參稽雖採輯較舊志微有異同要不失乎記載之旨正非徒侈風雲月露之繁已也

奏疏

蠲賑謝

恩疏

諶厚光

欽惟

皇上治邁羲軒

得侔轉載

鑒觀而求民瘼金鏡澄輝茂對而贊天工玉階協紀八
風交賜猶塵

愷澤之數十雨偶愆不忘偏災之告竊惟黔省下游谿
流錯注山氣鬱湮當蒲月之初旬值梅霖之久漬
悵飛鷗而泛宅烝有豕以涉波浸淫待障於蘆灰

憫念旱深於

荃宰

乾施渥沛

巽命重申計籌乎女布男錢不遺乎獐墟犴壤降邱而
土可宅蝸豈懸居除潦而田可耕魚還入夢惟

聖主能援天下故水患無憂惟

皇仁遠逮遐陬故時艱允濟臣等情殷望梓志切傾葵

頌

鸞誥之誼詳感

鴻慈之高厚遙瞻七千餘里喜氣雲蒸延晞十二層霄
恩暉曜朗瞻

天志慶伏地同歡所有微臣等感激下忱理合繕摺叩

謝

天恩伏祈

皇上聖鑒謹

奏

整頓通省學校請立案一摺

岑毓英

奏爲整頓通省學校請

旨敕部立案以垂久遠恭摺仰祈

聖鑒事竊維地方之治亂視乎教化之隆污蓋教化行則風俗美士民皆詩書執禮孝弟力田各有忠愛之心自無悖逆之事而欲廣行教化必以學校爲要圖伊古以來未有舍本逐末而克臻上理也黔省久遭兵燹各屬

文廟書院多燬壞不全其掌院東修監院薪水以及生童膏火亦無款可籌

臣

於上年據省城在籍紳

士內閣中書袁思韞等公稟請培修書院籌添膏

火當與司道查明興修並將束修膏火等項酌量
加增外添設舉人膏火二十分每月兩課需銀八
十兩計省城有貴山正本學古三書院每年共需
銀六千一百零二兩二錢遇閏月之年加銀七十
八兩零遇鄉試之年加膏火八十分零銀三百九
十六兩擬由川省代徵鹽經費項下開支嗣臣奉
命查閱營伍經過府廳州縣疊據各紳耆公稟請修

文廟書院暨添設義學加增膏火等情均經臣督飭
各地方官查勘修理所需膏火及義學經費如該

地方原有公款而章程尙欠妥協致生弊端者爲
之釐定章程革除積弊其雖有公款而爲數無幾
者飭附近釐局按月撥給銀二三十兩不等仍由
鹽經費項下撥還此外如安順思南松桃平遠威
甯畢節龍泉等府廳州縣公款旣微復無撥項不
能不籌欸生息臣與司道會商亦由鹽經費項下
提發安順府書院銀四千兩思南府書院銀一千
兩平遠州書院銀二千兩龍泉縣書院銀一千兩
並准署四川督臣丁咨解捐廉發交思南府書

院銀二千兩建昌道唐炯捐廉發交松桃廳書院

銀一千兩又督

臣劉

暨

臣

與藩司林肇元署

臬司張煦貴西道曾紀鳳記名提督蔡標卸署威

甯鎮總兵任仕斌卸署大定府知府程榮壽共捐

廉銀一千八百兩發交威甯州書院又由

臣

捐廉

銀一千兩貴西道曾紀鳳候補知府楊熙瑞署畢

節縣知縣陳昌言等合捐銀一千二百兩共合銀

二千二百兩發交畢節縣書院以上各項均飭選

公正紳士輪流經管發商生息爲書院東修膏火

及義學經費等項開支並曉諭諸生童務須講求
實學策勵真修居則化導鄉愚各安耕鑿出則勉
爲循吏圖報涓埃庶不負

朝廷作育人材之至意惟學校雖已振興深慮久而廢
弛合無仰懇

天恩敕部立案以垂久遠此係臣等分所應爲至署四

川督臣丁

捐銀二千兩建昌道唐烱捐銀一

千兩均稱不敢仰邀議叙而其情殷桑梓嘉惠士

林臣不敢壅於上

聞可否

給予議叙之處出自

逾格鴻施所有整頓通省學校各緣由謹會同雲貴督

臣劉恭摺具陳伏乞

皇太后

皇上聖鑒訓示謹

奏

祭電神文

程榮壽

致祭於

雹神之前曰伏以

聖人在上無雹育物對時小民以食爲天祈年孔風黔
省山多地僻不無陰伏而陽愆土瘠民貧最恐年
荒而時難每堅冰之未泮致硬雨之爲殃作苦三
時成空一旦雖天災之代有奈民命其何堪惟

神有靈代

天宣化暢風霆之神氣鬱散陰霾溥雨露之恩膏威收
搏擊庶幾休徵時若五百里共遂生成從今瑞應
年豐十萬家毋忘

庇佑茲當春秋仲用肅明禋式展虔誠伏惟

昭格尚

饗

增定南北賓興章程記

周 夔

周禮大司徒以鄉三物教萬民而賓興之易曰觀國之光利用賓於王賓興之設由來尚矣平遠舊稱比喇及我

盛朝文教覃敷遐陬向化人文蔚起甲於上游余承乏黔疆每以不獲親接彼都人士爲憾咸豐甲寅歲暮逆匪竄擾州境城鄉震動除夕前五日余奉差至此與李根石王蘭溪二廣文暨都人士一朝而籌備千餘金使兵練有資出城退賊仍因兵單餉

紉匆匆回省代爲乞增是以未獲流覽山川疆域
然於風土人物心儀者久之乙卯新正十有二日
來綰斯篆方幸講武之後得以修文旋奉委署郎
岱永甯安撫民苗征衫甫解倏又交卸登程戎馬
關山徒殷回首月餘藏事乃獲捧檄歸來蓋四境
承平至此其幸晏如矣爰於觀風月課之餘詢地
方之善舉如書院義塾諸項前人厯有成規惟北
上賓興猶爲缺典而南賓興經費亦須妥議擴充
余前後在任無多日自維增葺城垣策籌善後

擬次第遞舉詎意奉委復署郎岱行有日矣都人士依戀之情倍使余懷耿耿因倡捐四百金留置田產爲北賓興費增南賓興章程並承兩廣文襄勸都人士踴躍從公解囊相助又得銀三百金從茲有基勿壞集腋成裘有不庇寒士而俱懽顏乎除釐定章程另爲詳載外不揣固陋聊贅數言以記顛末不惟藉以慰都人士依戀之情抑將使應試者知鄙意之所屬爭自濯磨以備國家異日棟樑之選也遂爰筆而爲之記

重修後樂亭記

陳昌言

昔范文正公之記重修岳陽樓也有曰先天下之
憂而憂後天下之樂而樂先大夫嘗謂此二語爲
篇中領要言敬佩之庚午夏奉檄牧是邦滿目凋
殘隱憂未已見署後圭峰矗秀曲折凸凹公餘登
眺畢俛震垣斷井荒原厯厯如游魚可數谷左右
兩亭嶄然將傾將圯至絕頂闢地三弓許遺址僅
存僉曰此茅亭舊所也周覽壁翰或隸或篆或詩
或詞摩鐫厯落歲月姓名皆臚列飾以丹青護以